



## საქართველოს იუსტიციის უმაღლესი საბჭო

ქ. თბილისი № 1/54

“ 17 ” ივნისი 2021 წ.

### გ ა ნ კ ა რ ბ უ ლ ე ბ ა

კ. მაჭავარიანის თბილისის სააპელაციო სასამართლოს სისხლის სამართლის საქმეთა პალატის მოსამართლის თანამდებობაზე უვადოდ გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4<sup>1</sup> პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, კახაბერ მაჭავარიანი 2021 წლის 18 ივნისიდან გამწესდეს თბილისის სააპელაციო სასამართლოს სისხლის სამართლის საქმეთა პალატის მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

საქართველოს უზენაესი სასამართლოს თავმჯდომარე  
საქართველოს იუსტიციის უმაღლესი საბჭოს თავმჯდომარე

**დასახუთება**  
**კახაბერ მაჭავარიანის თბილისის სააპელაციო სასამართლოს**  
**მოსამართლის თანამდებობაზე დანიშვნის თაობაზე**

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2021 წლის 22 თებერვლის №1/6 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის სააპელაციო სასამართლოს სისხლის სამართლის საქმეთა პალატის მოსამართლის 4 ვაკანტურ თანამდებობაზე.

კანდიდატთა რეგისტრაცია მიმდინარეობდა 2021 წლის 23 თებერვლიდან 9 მარტის ჩათვლით. მითითებულ ვაკანსიაზე დარეგისტრირდა 16 კანდიდატი.

მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის კახაბერ მაჭავარიანზე მოძიებულ იქნა „საერთო სასამართლოების შესახებ“ საქართველოს ორგანული კანონის 35<sup>2</sup> მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2021 წლის 29 მარტს.

**კანდიდატის შესახებ მოძიებული ინფორმაცია:**

კახაბერ მაჭავარიანს აქვს სპეციალობით მუშაობის 25-წლიანი, მათ შორის მოსამართლედ მუშაობის 8 წლისა და 9 თვის გამოცდილება. იგი საერთო სასამართლოების მოსამართლედ 2012 წლის 1 ივლისიდან. კახაბერ მაჭავარიანი მუშაობდა საქართველოს გენერალურ პროკურატურაში სხვადასხვა თანამდებობაზე. ამჟამად არის თბილისის სააპელაციო სასამართლოს სისხლის სამართლის საქმეთა პალატის მოსამართლე.

კახაბერ მაჭავარიანს აქვს საქმეთა განხილვის კარგი მაჩვენებელი როგორც პროდუქტიულობის, ისე სტაბილურობის კუთხით. მოღვაწეობის ბოლო 3-წლიან პერიოდში დასრულებული აქვს 551 საქმე (საშუალოდ დღეში 0,6 საქმე), ხოლო გასაჩივრებული გადაწყვეტილებებიდან უცვლელი დარჩა საქმეთა 93,5%. განსაკუთრებით აღსანიშნავია კახაბერ მაჭავარიანის მიერ საქმეთა განხილვისას საპროცესო ვადების დაცვის მაჩვენებელი, კერძოდ, მას საქმეთა 100% განხილული აქვს საპროცესო ვადების დაცვით.

მოსამართლედ მუშაობის პერიოდში მის მიმართ არ დაწყებულა დისციპლინური დევნა, არ ყოფილა გამოყენებული დისციპლინური სახდელი ან დისციპლინური ზემოქმედების ღონისძიება.

კახაბერ მაჭავარიანი კითხულობს სალექციო კურსს იუსტიციის უმაღლეს სკოლაში თემაზე - „წამების, არაადამიანური და ღირსების შემლახველი მოპყრობისა და დასჯის აკრძალვა“.

**კანდიდატთან გასაუბრება:**

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ კახაბერ მაჭავარიანს გაესაუბრნენ 2021 წლის 3 ივნისს. გასაუბრება წარიმართა ღია სხდომაზე.

### კანდიდატის შეფასება:

2021 წლის 7 ივნისიდან 11 ივნისამდე პერიოდში იუსტიციის უმაღლესი საბჭოს 12-მა წევრმა კანდიდატი კახაბერ მაჭავარიანი შეაფასა კომპეტენტურობისა და კეთილსინდისიერების კრიტერიუმების მიხედვით.

კახაბერ მაჭავარიანის კეთილსინდისიერების კრიტერიუმით შეფასებისას, საბჭოს შემფასებელმა 11-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა წევრმა მიიჩნია, რომ აკმაყოფილებს.

საბჭოს წევრთა მიერ კახაბერ მაჭავარიანის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1029 ქულა, რაც ქულების მაქსიმალური რაოდენობის 85,75%-ია.

### კენჭისყრის შედეგები:

2021 წლის 17 ივნისს თბილისის სააპელაციო სასამართლოს სისხლის სამართლის საქმეთა პალატის მოსამართლის მე-4 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 12-მა წევრმა მიიღო, კახაბერ მაჭავარიანმა მოიპოვა 11 ხმა.

აღნიშნულ ვაკანსიაზე ბიულეტენში შეყვანილ იქნა 13 კანდიდატი, მათგან 9 მოქმედი მოსამართლე (1 - სააპელაციო ინსტანციიდან, 8 - პირველი ინსტანციიდან), 3 ყოფილი მოსამართლე და 1 იუსტიციის უმაღლესი სკოლის ყოფილი მსმენელი, კერძოდ:

- |                                |                                 |
|--------------------------------|---------------------------------|
| 1. ბიჭია შოთა - 0 ხმა          | 8. მაისურაძე მადონა - 0 ხმა     |
| 2. გორგაშვილი სანდრო - 0 ხმა   | 9. მაჭავარიანი კახაბერ - 11 ხმა |
| 3. გოცირიძე კობა - 0 ხმა       | 10. ნარიმანიშვილი დავით - 0 ხმა |
| 4. გრატიაშვილი გიორგი - 0 ხმა  | 11. ნაჭყებია ნინო - 0 ხმა       |
| 5. გურული მალხაზ - 0 ხმა       | 12. ტყეშელაშვილი რომეო - 0 ხმა  |
| 6. კალატოზიშვილი არსენ - 0 ხმა | 13. ფორჩხიძე ვიოლეტა - 0 ხმა.   |
| 7. ლობჯანიძე გიორგი - 0 ხმა    |                                 |

1 ბიულეტენი გაბათილდა.

### დასკვნა:

კანდიდატ კახაბერ მაჭავარიანის კეთილსინდისიერების (საბჭოს 11-მა წევრმა მიიჩნია, რომ იგი სრულად აკმაყოფილებდა აღნიშნულ კრიტერიუმს) და კომპეტენტურობის (სამართლებრივი დასაბუთების უნარის, სამართლებრივი ნორმების ცოდნის, წერის უნარის) კრიტერიუმების გათვალისწინებით, კენჭისყრის შედეგების საფუძველზე, სხვა კანდიდატებთან შედარებით უპირატესობა მიენიჭა და შესაბამისად, თბილისის სააპელაციო სასამართლოს სისხლის სამართლის საქმეთა პალატის მოსამართლის თანამდებობაზე უვალოდ, კანონით დადგენილი ასაკის მიღწევამდე განწესდა კახაბერ მაჭავარიანი.

ნიკოლოზ მარსაგიშვილი  
საქართველოს იუსტიციის  
უმაღლესი საბჭოს მდივანი

